

**SPECIMEN
INAUGURALE DE
EXANTHEMATIS
FEBRIUM
ACUTARUM...**

Johannes Ludwig Korte



A. DIS. 18256

THE NATIONAL ARCHIVES
FEDERAL BUREAU OF INVESTIGATION
WASHINGTON, D. C.

MAY 10 1962

TO : DIRECTOR, FBI

FROM : SAC, NEW YORK

RE :

RE: [Illegible]

ALL INFORMATION CONTAINED HEREIN IS UNCLASSIFIED

DATE 10/1/01 BY 60322 UCBAW/MLM

EXEMPT FROM AUTOMATIC DECLASSIFICATION

ALL INFORMATION CONTAINED
HEREIN IS UNCLASSIFIED

VIRO

**ILLVSTRI, EXCELLENTISSIMO, EXPERIENTISSI-
MO ATQVE DOCTISSIMO**

DOMINO

**IOH. THEODORO
ELLER**

**MEDICINAE DOCTORI CELEBERRIMO POTEN-
TISSIMO REGI BORVSSIAE A CONSILIIS AVLICIS
ET SANITATIS CUSTODIA VT ET REGIO-
RVM EXERCITVVM MEDICO
PRIMARIO**

**REGIAE SOCIETATIS SCIENTIARVM BEROLINENSIS ET
COLLEGII MEDICO CHIRVRGICI DIRECTORI COL-
LEGII MEDICORVM SUPERIORIS DECANO
AC SANITATIS COLLEGII
SODALI**

NOTOVA

NEC NON

VIRO

*EXCELLENTISSIMO EXPERIENTISSIMO
ATQVE DOCTISSIMO*

DOMINO

**THEODORO
SPROEGEL**

MEDICINAE DOCTORI CELBERRIMO POTENTISSIMI
REGIS BORVSSIAE MEDICO AVLICO THERAPIAE
IN COLLEGIO MEDICO-CHIRVRGICO BEROLINENSIS
PROFESSORI

REGIAE SOCIETATIS SCIENTIARVM BEROLINENSIS
ET COLLEGII MEDICO-CHIRVRGICI
SODALI

HOC

**QVALECVNQUE ACADEMICVM SPECIMEN
IN PERPETVÆ OBSERVANTIÆ MONVMENTVM
CONSECRAT**

AC SE SVAQVE DE MELIORI COMMENDAT

AVCTOR.



PROOEMIUM.



um ad implendas leges academicas specimen aliquod inaugurale exhibendum sit, hoc, quidquid est pagellarum, Benevolo atque erudito Lectori trado. Monenda autem quædam sunt, antequam ipsam tractationem adgrediar. Primum quidem quod thema hujus dissertationis attinet, antiquum quis illud esse, atque ad nauseam usque jam exstare, existimet; neque negabo, innumera fere de Venæ sectione in febribus acutis, malignis, exanthematicis, &c. apud auctores reperiri: multa autem est eorum contentio, & in varias scinduntur partes, ita ut isthmum perfodere videremur, si singulas quorumlibet abstrusas partim & monstrosas opiniones in

scenam revocare vellemus. Non inquiram hic in rationes tanti in schola practicorum dissensus, dicam tamen, quod res est; perpaucos nimirum adhuc dum dari, qui antiquas illas & præconceptas hac in re opiniones deseruerint. Non immerito igitur inquirendum esse putavi, an certius quid statui, atque ex solidis principiis erui possit. Licet autem quamplurima, quæ in hac dissertatione exhibentur, ad totam fere febrium acutarum cohortem in genere adplicari possint; specialius tamen de exanthematicis, & specialissime, de unico hoc earum statu sive symptomate, si recedunt, vel retrogrediuntur, agere libuit, ne thematis amplitudo præscriptas speciminis limites excederet. Non absolutam vero quis ex omni parte hic expectet tractationem, sed *συναρπάζειν* potius ac primas lineas: multa etenim adhuc hac de re dicenda restant, quæque alio tempore, bono cum Deo, uberius exhibenda erunt. Præsens enim rerum mearum conditio, & cum spatium temporis habeam angustum non permittit, ut omnia secundum rei dignitatem evoluta tradam. Cæterum quod principia attinet, quibus hic usus sum, ea non nova, sed nota & in systematibus saniorum Medicinæ scriptorum ob-

obvia sunt. Consultius hinc esse duxi accuratiori eorum demonstrationi supersedere, ne millies dicta repetam: ii præterea, qui in re medica plane hospites non sunt, facile cognoscent, quid aliis hæc debeat dissertatio, quid non. Faxit Deus T. O. M. ut omnia cedant, in sui ipsius gloriam, nostrisque conatibus adsistat.

CONTENTA PARAGRAPHORVM.

§. I. *Definitio febrium exanthematicarum.* §. II. *Distinctiones.* §. III. *Materia exanthematum.* §. IV. *Sanguinis triplex status ratione quantitatis.* §. V. *Effectus, ab hisce statibus pendentes, & speciatim plethora.* §. VI. *Orgasmm plethora equalem esse ratione effectus a quantitate pendens.* §. VII. *In febribus exanthematicis adesse orgasmm.* §. VIII. *Applicatio triplicis sanguinis status ad has febres.* §. IX. *Subjecta, iusta sanguinis quantitate pradita, si in has febres incidunt, effectus plethora monstrare.* §. X. *In omnibus E. febribus exanthem. adesse plethora.* §. XI. *Se- & excreciones E. rite non succedere.* §. XII. *Resolutionem massa sanguinea in his febribus adesse.* §. XIII. *Differentia Symptomatum secundum triplicem sanguinis statum.* §. XIV. *Exanthemata continere materiam febrilem.* §. XV. *Effectus, si hæc materia non eliminatur.* §. XVI. *Eosdem effectus adesse, si exanthemata retrogrediuntur.* §. XVII. *Causam retrogressionis esse plethora.* §. XVIII. *Indicationes formanda.* §. XIX. *Indicatum, nimirum V. S. Reliqui Paragraphi continent remotionem quorundam dubiorum & generalem applicationem practicam.*

§. I.

§. I.
Febres exanthematicas eas ex genere acutarum vocamus, in quibus materia quædam morbosa, ex ipsa sanguinis & humorum massa, ad peripheriam corporis sub varia forma expellitur ibique in conspectum venit.

§. II.

Variam hæ febres admittunt divisionem, quam vero, cum e re nostra non sit omittimus. Notissimæ autem earum sunt: pestis, febris petechialis, catarrhalis maligna, quæ sæpissime exanthematis stipata est, variolæ, morbilli, febris purpurata, scarlatina &c. Aliæ febrium acutarum species, quæ diversas a prioribus cutaneas sic dictas efflorescentias exhibent, omni jure ad eundem censum referuntur. Distinctio autem harum febrium, quatenus a figura & similitudine exanthematum desumitur, realem differentiam non constituit, & in praxi ipsa sæpius confusio anam præbere potest; complures enim eo induxit, ut in quibusdam febribus exanthematicis complicationem accusarent, quæ tamen neutiquam adfuerit. Exemplo sit febris puerperarum lochialis, tantum non semper purpura stipata, ubi multi complicationem adesse credunt, cum tamen purpura tanquam symptoma morbi consideranda veniat, utpote cujus fomes sub ipso motu febrili in sanguine & humoribus sporadice produciatur, quodque ex notionibus symptomatis & complicationis facile probari poterit. Et sic fere de reliquis omnibus, quæ proprio nondum insigniuntur nomine, judicandum. Non equidem negari potest, realem quan-

quandam omnibus hisce febrium speciebus, intercedere differentiam, quam vel diversus earum typus satis indicat, eamque amplissimi in praxi usus esse; eam tamen a sola exanthematum figura haud accurate desumptam esse, quilibet facile perspicere potest, si vel hoc solum animo contemplari vult, unam atque eandem speciem, varia differentisque figuræ admittere exanthemata: hæc enim a subjecto & ipsa materia determinantur. Sic e. gr. catarrhalem, purpura æque ac petechiæ, imo quandoquidem utrumque simul comitantur. Reliquæ exanthematum febrilium divisiones, ubi ratione eventus in critica & symptomatica, benigna & maligna, &c. dividuntur, cum ad scopum præsentem parum faciant, prolixius allegandæ non sunt. Cæterum autem notamus, eas, de quibus hic sermo est, febres tantum non semper malignitatem habere comitem, ideoque etiam populari potissimum grassatione sese exserere.

§. III.

Priusquam autem ad ipsam Therapevticam thematic tractationem accedam, ante omnia generaliores quædam huc facientes notiones atque propositiones evolvendæ erunt, quibus therapia hæc specialissima tanquam principiis suis superstrui possit. *Materia* igitur omnium *exanthematum in genere* est aliquid, quod propter crassiorē suam consistentiam minima vasa cutanea transire non potest; sed ibidem inhæret, ac postea, vel sensim dissipari, & superato morbo, sub forma squamularum decidere, vel in aliis, ut peste & variolis, in pus abire solet. *conf. Illustr. quondam Boerhaavii Aphorism. de cognoscend. & curand. morb. aphor. 723.* Non opus autem esse videtur, ut specia-

hior hujus materiæ sive miasmatis febrilis subjungatur disquisitio: multa equidem auctoribus intercedit contentio, an alcalinæ, vel acidæ, vel fermentescentis & si quæ superest, sit indolis, cujuscunque vero demum sit, hic loci perinde erit, parum enim rei præsentis lucis adferre potest.

§. IV.

Cum igitur *minera* febrium exanthematicarum in ipsa *sanguinis* & *humorum* massa quærenda sit, sponte sequitur, hujus crasm practico potissimum respiciendam esse. Non excluduntur hic solida & eorum motus; ea autem a fluidis insigniter adfici, motumque alterari posse, nemo est, qui neget, & ex sequentibus ulterius patebit, in cassum is quoque laboraret, qui motibus corrigendis operam navare vellet, seposito ad fluida & materialia respectu. *Sanguis* autem in universum duplicem admittit considerationem, *quantitatis* nempe & *qualitatis*. Si ejus *quantitas* in quovis subjecto respicitur, *triplicem* deprehendimus statum possibilem: adest enim *quantitas* vel *justa*, vel *major*, quam par est, vel *minor*. *Justam* quantitatem eam vocamus, si tantum adest, quantum ad rite & sine impedimento perficienda ea, quibus sanguis destinatus est, sufficit. Sic facile judicari potest, quid per quantitatem justo minorem & majorem sive plethoram intelligendum sit. *Justa* autem sanguinis quantitas, licet a priori accurate determinari haud possit, a posteriori tamen ex effectibus & actionibus corporis physiologicis, ejus status in quolibet subjecto medicum latere non potest. Alteram vero *qualitatis* nimirum considerationem hic seponam, & in sequentibus ea, quæ ad rem faciendam adducam.

§. V.

DE EXANTHEMATIS FEBRIVM &c.

§. V.

Quantitas autem sanguinis, cum in quovis homine triplex esse possit, *effectus* hinc etiam præstabit diversos & secundum hanc divisionem dijudicandos. Hicquidem effectus solum quantitatis majoris explicandi veniunt. *Effectus* igitur a *plethora* oriundi sunt: *Extensio* major vasorum atque cordis, hinc reactio eorum in sanguinem major. Cum autem omnia corpora, elasticitate prædita, eandem amittant, vel ea saltem minor fiat, si diu & ultra gradum expanduntur, etiam *vasorum robur* per *plethoram* debilitatur, ipseque *circulus sanguinis* fit *debilior* & tardior, quin imo ipsa ejus crasis alteratur & spissitudo inducitur. Si vero æquilibrium solidorum & fluidorum hoc modo turbatum vasorumque elasticitas labefactata est, sequitur hinc, nec *se-* nec *excretiones* rite procedere posse: ad has enim peragendas debitam vasorum elasticitatem, cum moderato motu, & justa humorum crasi requiri, ex physiologicis satis compertum est. Accedit, quod minima illa vascula & nervi, quae latera majorum copiosissime permeant, per hanc expansionem comprimantur, imo liquido suo plane orbari possint; hinc iterum contractio vasorum in tantum impeditior redditur, in quantum ea ab influxu liquidi nervei dependet. Tacemus hic reliquos, postea partim allegandos, & ex hisce deducendos *plethoræ* effectus. Qui autem ulteriora desiderat, adeat *Celeberr. Hambergeri Dissert. de V. S. quatenus motum sanguinis mutat, it. Boerhaav. Aphorism. 39. § 99.* Cæterum cum *plethoræ* dentur gradus eaque major vel minor esse possit, etiam hi ejus effectus hosce sequentur gradus ac pariter vel majores vel minores erunt.

§. VI.

Sanguinem elasticitate gaudere, hinc expandi posse, nemo est, qui neget. Si igitur ponatur talis sanguis, in expansione sive rarefactione & motu vehementiore constitutus, quod *orgasnum* ejus vocant, majus occupabit spatium, consequenter ratione mensuræ æqualis erit sanguini plethorico, atque eosdem a sola quantitate dependentes & §. V. allegatos producet effectus, *conf. Dissert. Hambergerian. §. XXIV.*

§. VII.

In omni febre, præsertim acutis, & specialissime malignis & exanthematicis, adest *orgasmus sanguinis* sive ejus *expansio*, cum motu simul solito vehementiore conjuncta. Sanguis enim est elasticus, §. VI. omnis autem fluidorum elasticitas, accedente calore, augetur, quod ex physicis & chemicis quotidie obviis experimentis comprobari potest: in omni febre vero adesse calorem, vix opus esse censeo, ut hic dicatur. Porro quo spirituosius fluidum, eo facilius hæc per calorem expansio contingit, & eo major est. Sanguinem vero esse spirituosum pariter multoties probatum est. A *posteriori* autem, hanc in febribus sanguinis *expansionem* effectus & symptomata sat clare docent; quin imo ipsa febres acutas & malignas curandi methodus eam cominonstrat: refrigerantia enim, sanguinem coagulantia, antorgastica &c. optimo cum effectu propinantur. Acida, quæ certe sanguinem fuscum & expansum coagulant, & in minus spatium cogunt, exemplo hic esse possunt: ipsum enim fortissimum illud acidum oletum vitrioli a quibusdam non nisi hoc scopo porrigitur. Simul autem in hisce febribus præsertim malignis

lignis adesse fusionem seu resolutionem massæ sanguineæ, ex sectionibus cadaverum iis demortuorum adparet, in quibus nempe fluidissimus reperitur, omneque coagulum respuens. *conf. Illustr. FRID. HOFFMANNI Medicin. rational. system Tom. III. Sect. I. cap. XII. §. IX. & ibid. allegatum. Wepferum in Histor. apoplecticor.*

§. VIII.

Cum Sanguinis quantitatis triplex in universum detur status; §. IV. hi status vero diversas in corpore producant mutationes; §. V. Sequitur, eorum considerationem in morbis quibuscunque apprime esse necessariam. Totus enim morbus sæpius differt, ac diversis incedit symptomatibus, prouti subjectum in uno alterove horum statuum constitutum est. *Applicanda igitur erit hæc consideratio etiam ad febres acutas exanthematicas.* Primo hic quidem præsuppono, *perpaucâ* dari subjecta, quæ *minore*, quam par est, sanguinis quantitate prædita sunt. Veritas hujus asserti, si a priori demonstrari nequit, ex experientia satis constabit. Si enim excipias, diuturna fame, cana senectute, & gravioribus quibusdam atque chronicis morbis confectos, in reliquis certe deficiens quantitas accusari haud poterit. Neque etiam omnes senes, & chronicis morbis adfecti, ideo defectu sanguinis laborare, dici possunt, cum quamplurimis eorum Venæ sectio usitata, ad ultimum usque vitæ halitum continuata, optime conducatur. Explosa igitur diu jam est opinio ista, quæ Helmontii temporibus maxime vigeat, & senibus sanguinis missionem prohibet. Ponamus autem, adesse notabilem numerum defectu sanguinis

nis laborantium, experientia tamen pariter testis est, hæc subjecta rarissime & vix unquam in febres acutas exanthematicas incidere; id quod accuratas morborum historias perlustrantibus ignotum esse non potest. Vix enim allegandus erit casus, in quo homines, senio vel graviore morbo ita confecti, ut suspicionem minoris, quam par est sanguinis quantitatis merito incurrerent; his febribus correpti legantur. Neque objectio, quod febres epidemicæ & pestilenciales, ordinarie famem sequantur, vel cum annonæ caritate conjunctæ sint, ullius momenti hic esse potest. Non enim exinde sequitur, quod sanguinis quantitas imminuatur: quia homines ordinariam & solitam panis quotidiani quantitatem non comedunt; cum ejusmodi temporibus quilibet aliis rebus, carnibus nimirum, piscibus, lacte, fructibus variis, &c. famem explere studeat, quæ vero omnia ad sanguinem ingenerandum, per suam naturam aptissima sunt, licet præter consuetudinem vel animalium mortuorum cadavera devorentur. Præterea ex historiis notissimum est, epidemicos morbos, rarissime & vix unquam annonæ difficultatem concomitari, sed eandem sequi, & tunc temporis stragem suam edere, cum ipsa fames cessaverit, & vilior annona adsit. Cæterum febres hæc exanthematicæ non facile aliis morbis superveniunt. *Vid. Illustr. FRID. HOFFMANNI Med. rat. system. Tom. IV. Sect. I. cap. X. Obs. I. de febre maligna petechizante epidemica.* Hinc etiam largiores sanguinis missiones, præservationis gratia tempore grassationis institutæ, has febres tam mirifice a corpore arcent. *ibid. cap. XI. §. VI.*

§. IX.

Si *subjecta iusta sanguinis quantitate prædita*, incidunt in has febres, aderit *orgasmus* sive expansio massæ sanguineæ: §. VIII. Cum autem expansus sanguis æquales cum plethora producat effectus: §. VI. etiam hic iidem aderunt §. V. allegati. Si vero plethora jam antea adfuerit, & expansio hæc in febribus hæc accedat, majores erunt effectus, & vehementiora monstrabunt symptomata; causa enim aucta, augentur & effectus.

§. X.

Ex iis igitur, quæ §§is VII. VIII. IX. dicta sunt, facile concludi potest, in *omnibus febribus exanthematicis* semper adesse *plethoram*, vel, si mavis, *orgasmum*, ratione effectuum plethoræ æqualem: Si quis autem causam hujus expansionis in alia re, atque in aucto circulo sanguinis, & inde inducto calore quærere veller, hoc ei lubenter largiar: effectus enim expansionis semper aderit, a quacunque demum causa inductus fuerit. Neque negari potest, omnia hæc insigniter augeri, si adsumatur, materiam febrilem sive miasma, in epidemicis præsertim, subtilis, fermentescentis seu putrescentis, consequenter elasticæ esse indolis, *vid. HOFFMANN. loc. superius citat.*

§. XI.

Cum ad *se- & excretiones* in corpore nostro rite peragendas requiratur moderatus motus sanguinis, & debita vasorum elasticitas, §. V. sponte sequitur, in his febribus neque *se- neque excretiones* legitime procedere posse, dum utrumque hoc requisitum deest. In nulla
hin

hinc febre salutaris expectanda excretio, durante orgasmo, sed ex constanti omnium medicorum observatione, omnes crises præcedere debet placidior sanguinis motus, quem insignis alteratio pulsus & reliquorum symptomatum satis indicat. Sic in variolis circa quartum, eruptionis nempe diem, cessat pulsus febrilis, & reliqua prægressa symptomata, si non plane desinant, notabiliter tamen minuuntur. Quinimo in ipsis intermittentibus nulla sequitur sudoris excretio, nisi remittente æstu, & alterato tono ac pulsu. Ad excretionem autem humorum inutilium requiritur, ut materia excernenda prius a reliqua massa separetur; Sed & hanc secretionem in turbulento ejusmodi circuli humorum statu, perfecte locum non habere, quilibet facile perspicere potest. Quo major igitur orgasmus sive plethora in febribus acutis exanthematicis adest, eo impeditior erit, se- & excretio materiæ morbosæ. Hinc ii, qui antea jam fuerunt insigniter plethorici, semper majus periculum tempore epidemiæ incurrunt, & tantum non semper, si corripuntur, succumbunt, nisi citissime summoveatur plethora. Hinc porro transpiratio & reliquæ excretiones in his morbis plane suppressæ, certissimum semper indicium, præsentis insignis expansionis, ast pessimum simul præsagium exhibent.

§. XII.

Alia autem adhuc occurrit causa, eaque specialior, quæ impedimentum est, quod se- & excretiones in malignis præsertim febribus rite procedere nequeant, *fusio* nimirum & *resolutio* ipsius massæ sanguinæ. Per sanguinem

nem vero fufum & refolutum intelligimus, ejus cum ferro, cui globuli fanguinei, ftri&te dicti, alias innatant, intimiorem mixtionem, ita ut poft ejus miffionem, ferum non feparetur, & reliquæ maffæ ut alias fupernatet. Hanc fuſionem in morbis malignis adefſe §. VII. ex *ILLUSTR. HOFFMANNO & WEPFERO jam dictum eſt*. Sanguis autem ſero commixtus ſpiſſiorem efficit maſſam, quam quæ capillaria excretoria vaſa pertranſire poſſit: neque ſerum in hoc ſtatu ab illa ſeparatur. Excretiones ergo ſudoris, per quas febris ſolvi debebat, neceſſario ſupprimuntur. Egrege caterum hæc maſſæ ſanguineæ fuſio illuſtratur per effectum opii, quem præſtat in corpore animali; quod nimirum pariter fundendo & reſolvendo ſanguinem agit, & non, ut vulgo creditur, inſpiſſando. Experimento hoc cum cane vivo inſtituendo comprobari poteſt, cui ſi quotidie per aliquod tempus opium porrigitur, quod in juſculo commodè fieri poteſt, ſanguis pariter ac in peſte & aliis morbis malignis funditur. Opitulari videtur hoc experimentum hypotheſi iſtæ, quam *D. GODOFR. HELDIVS* de origine peſtis apud Turcas propoſuit, de qua *vid. EPHEMER. Natur. Curioſor. Centur. VII. obſerv. 63.* ubi peſtem incunabula ſumere ex Maſlach Turcarum ſive Opio ſtatuit. Sed hæc *ὡς ἐν παρόδῳ*, redeundum eſt ad propoſitum.

§. XIII.

Cum igitur ſe- & excretiones in his febribus rite procedere nequeant, §. XI. & XII. & cauſa hujus impedimenti in ipſa humorum conſiſtentia & quantitate,

C

atque

atque inde inducta fibrarum solidarum impotentia querenda sit, ibid. & §. V. sequitur & hunc effectum augeri, si augebitur causa, & contra: sive ut clarius loquar, prout orgasmus & resolutio sanguinis major vel minor erit, etiam se- & excretiones, quin imo ipsa symptomata adparebunt. Sic in ipsa peste & omnibus reliquis febribus exanthematicis quosdam videmus, in quibus morbus mitius sese gerit & sæpius etiam sine medicamentis salutariter judicatur; eos nimirum, qui iusta gaudent sanguinis quantitate, in quibus igitur tanta expansio oriri haud potest, quæ tonum ita debilitet, ut ad excretionem plane ineptus fiat. Alios videmus, in quibus nulla adparent exanthemata, & hos quidem jam antea insigniter fuisse plethoricos §. XI. jam dictum est. Cæterum autem & hoc quoque tenendum; orgasmum sanguinis non semper ab initio morbi adesse tam magnum, prouti superius descriptus est; sed eundem apud permultos in ipso statu demum ad eum pervenire gradum, atque efficere, ut materia morbosa excerni nequeat. Multi enim dantur, in quibus ab initio morbus mitissime sese gerit, & medicum ita decipit, ut vix malignitatis suspicionem concipere possit; post paucos vero dies, repente incrementa sumit, ægrumque sub optima sæpius spe, subito jugulat. Sed & hos antea jam fuisse plethoricos, ex dictis colligi potest. Quamvis enim non negavero, ipsam materiam malignam pariter, ac sanguinis qualitatem, hic symbola sua conferre: si enim plethorici, simul spissitudine vel alio qualitatis vitio laborantes, corripiuntur, semper gravius decumbunt; notum

ta-

tamen est, ipsam materiam malignam insigniter augeri, prout ipsius sanguinis motus & expansio augmentur. In omnibus hinc morbis exanthematicis, exanthemata per regimen iusto calidius, copiosiora producuntur; quod in variolis optime & sæpissime videre licet, nec non in purpura puerperarum, ubi ægroti sæpius ab amicis & adstantibus, sub ipso regimine ejusmodi calido & coacto, suffocantur. Cum e contrario ii, qui moderato regimine utuntur, nunquam exanthemata tanta copia progignant, & periculo semper minori expositi sint.

§. XIV.

Exanthemata in morbis hisce continere ipsam *materiam morbosam* & malignam, si ex nulla re, ex hoc clarum evadit, quod, simul ac recefferint, pessima statim symptomata, imo ipsa mors presso pede sequantur. Quamvis enim ea rarissime & vix unquam, tanquam vere critica adpareant; hoc tamen certum est, ea, licet etiam pessima quævis symptomata habeant conjuncta, generatim tamen loquendo, semper aliquid critici monstrare: hocque vel ex eo concludere licet, quod decursus morbi semper taustus esse soleat, si iusto tempore erumpant & constanter adsint. Sic ipsa pestis salutariter judicatur, si bubones statim altero vel tertio die adpareant, & ad suppurationem perveniant. Ea contra subjecta, quæ tempore epidemix corripuntur, nulla autem progignunt exanthemata, certe etiam succumbunt. Hæc autem phænomena sat clare indicant, quod materia morboſa per exanthemata ipsa e corpore eliminetur. Hinc etiam judicare licet, ea non semper ut rem periculi

plenissimam, & omni cura præcavendam consideranda esse; sed potius, si rite procedant, boni quid præ se ferre. Exemplo esse potest tota exanthematum cohors; ipsi enim abscessus sive bubones pestilenciales, petechiæ, purpura febrilis, variolæ, morbilli, &c. quæ simulatq; adparent, morbum quidem non uno actu tollunt: attamen insigniter mitigant. Practice autem hic cavendum, ne ad alterum delabatur extremum, atque, sub prætextu malignitatis expellendæ & avertendæ, regimine nimis calido, vel medicamentis calidis, bezoardicis, cordialibus, & quæ sunt ejusmodi farinæ plura, hic usurpari vulgo solita, ipsa materia morbosa augeatur, ægerque sic occidatur. Objici hic quidem posset, quod permulti his febribus moriantur, præsentibus ac persistentibus exanthematibus; imo quod apud permultos ipsa symptomata augeantur cum & sub eruptione eorum: quod igitur materia morbosa per ea non e corpore eliminetur, sed ea potius tanquam exitiale symptoma consideranda sint. Et hoc quidem negari non potest, permultos cum ipsis exanthematibus e medio tolli; causa autem certe, vel in ipsis materiæ malignitate, quam in peste carbunculi sic dicti pestilenciales; in petechiis & variolis, maculæ nigræ, satis indicant, vel in ejus copia quærenda erit. Hinc quo plura exanthemata, eo pejor prognosis: justa enim oritur suspicio, adhuc multum superesse in massa humorum, quod ad peripheriam nondum extrusum est. Ut taceam reliquas, quæ hic mortis subesse possunt, causas, per individua ipsa determinandas. Concludere igitur non licet, materiam malignam hic non esse expulsam, cum id
non

non satis factum fit, & æger ex ejus malignitate vel alia causa moriatur.

§. XV.

Si materia maligna, §. XIV. per ordinaria corporis emunctoria, & primario per sudorem, non eliminatur, sed diutius, quam par est, retinetur, ac consequenter augeatur, necessario in *interioribus viscerum* vasis capillaribus fiet *restagnatio*, quam, nisi citissime opem tuleris, excipit inflammatio, gangræna, sphacelus, mors. Neque aliter fieri potest, cum enim in hoc casu, per durantem & supra modum auctam vasorum expansionem, tonus eorum ita labefactetur, ut ultimo omnem fere resistantiam amittant, præsertim in minimis vasculis; hæc demum nimia humorum copia infarciuntur, qui ipsi humores, cum ad putredinem jam proniores sint, etiam eo certius ad eandem ruunt, & supra nominatos effectus progignunt. Determinantur autem hi effectus & nomen partim sortiuntur ab ipsis partibus internis, ad quas materia deferitur. Hinc si ad cerebrum ruit, oriuntur coma, lethargus, apoplexia, convulsiones, phrenitis, &c. si ad cololum deferitur, anginæ: si pulmones vel diaphragma ferit, efficit catarrhos suffocativos, asthmata convulsiva, &c. si in cavitatem abdominis delabitur, oriuntur sæpius diarrhoeæ, per quas nonnunquam, nisi malignior sit materia & corpus valde plethoricum, morbus solvi potest, ast ancipiti eventu: major enim ut plurimum copia, & malignior esse solet materia, quam quæ sine effectû erosionis, vel inflammationis eliminari possit, præsertim cum

hæc directio tumultuarie & impetuose fiat. Nimius autem forem, si omnes reliquos effectus hic enarrare vellem.

§. XVI.

Idem autem effectus §. *anteced.* allegati sequentur, si exanthemata jam comparuerunt & retrogrediuntur, si ve retropelluntur, nimirum ut materia maligna ad interiores & nobiliores partes feratur, ibique deleterium suum exserat effectum. Hinc in hoc casu transpiratio & reliquæ excretiones statim cessare solent, quin ipsi priores motus febriles tolluntur; id quod pulsus satis prodit; excipiunt autem eosdem novi motus, ast eo perniciosiores, iique vel remissiores vel intensiores, prouti nimirum febrem inflammatoriam, vel aliud quodcunque symptoma indicant. Materia vero hæc, si sanguinis massæ iterum immiscetur, tam celeri gressu in putredinem ruit, ut sæpius intra viginti & quatuor horas de vita actum sit. Qua de re, ut exempla hic proferam, nimis longum, imo supervacaneum videtur, cum id quotidiana praxi satis superque comprobetur, & inter vulgus etiam notissimum sit, desperatum esse hunc casum, si exanthemata in acutis intropellantur vel retrogrediantur.

§. XVII.

Cum igitur in hoc statu anceps semper lusus sit, & citam is efflagitet opem, necesse erit, si quis rationales medicas sibi formare velit indicationes, neque empiricum solum agere, ut in causas hujus retrocessionis inquirat: omne enim id, quod hic moliendum, est, ut eas, quantum potest, tollat, si vitam in summum discrimen hic perductam

ductam conservare velit. Cum autem *modus* exanthematum retrogressionis semper consistat in *constrictione* peripheriæ corporis, & humorum versus interiora directione; sequitur, omne id causam dici posse repulsionis, quod hunc motum in corpore producere valebit. Supponit autem semper hæc humorum versus interiores partes directio, vitale vasorum robur ita debilitatum, ut exanthemata ipsa in peripheria sustinere nequeat, sive vi repellenti & vasa cutanea constringenti resistere non possit. Quamdiu enim cordis & vasorum tonus suo gaudet vigore, non facile repulsio locum habet, nisi violentioribus causis accedentibus. Hinc quamplures videmus, qui, toto corpore exanthematis optime florentibus consperso, frigidum aërem & potum sine ulla noxa admittunt, quodque tempore grassationis variolarum vel morbillorum, in infantibus robustioribus rusticorum, & vilioris conditionis hominum non sine admiratione conspexi. Nota pariter sunt exempla militum, qui febrem castrensem exanthematicam, sub dio & tentoriis, omnibus aëris & tempestatis injuriis expositi feliciter superarunt. Totam autem hæc causarum consideratio eo redit, ut proximam earum, quæ immediate vasis robur demit, & reliquis communiter dictis repulsionis causis locum agendi concedit, intueamur. Cum enim reliquæ istæ, e. gr. vitia diætæ, regimen justo calidius vel frigidius, imo ipsæ præposteræ, quas vulgus instituit, medicationes, non in quovis subjecto eundem repulsionis effectum producant, consequenter non, nisi secundum receptivitatem in corpus agere possint: cum porro permultos videamus, quibus

bus exanthemata retrogrediantur, sine ulla conspicua causa externe accedente, sequitur, omnino in ipso corpore adesse debere aliquid, quod ipsum determinet & reliquis facultatem agendi concedat, sive, quod vasorum robur vitale resistendi infringat. Hanc autem vasorum impotentiam, a nimia fibrarum expansione, quæ a liquido, quod vasa vehunt, dependet, oriri jam dictum est. Liquida vero, si quantitatem respicias, aliter in vasa agere non possunt, nisi per copiam premendo, distendendoque. Concludere ergo licet, *plethoram* sive *orgasum* sanguinis ansam præbere retrocessioni exanthematum, vel, si mavis, ejus causam esse. Idem vero hoc per experientiam confirmatur. Notum enim est, periculum retrocessionis nunquam majus esse, quam præsentibus copiosis exanthematis; hæc vero insigniter augentur per regimen justo calidius, majorem nimirum efficiendo *orgasum*: sic etiam ipsa materia morbosa cum expandat sanguinem, eorum copiam, præsertim in iis, qui jam antea fuerunt plethorici, auget, & sic recessioni opitulatur. Tuto igitur concludere licet, *omnia subjecta*, in quibus exanthemata retrogrediuntur, *plethora quantitatis* simul laborare; sive antea adfuerit, sive per motum febrilem efficiendo majorem expansionem, sive per ipsam denique materiam inducta fuerit. *Conf. §. VIII. IX. X.* Cæterum autem referri huc quoque potest eruptio exanthematum inordinata, ubi modo adiunt, modo recedunt, quæque res periculo suo non caret, & ut plurimum superius §. XV. allegatos effectus post se trahit. Omnia enim quæ de causis retrocessionis dicta sunt, etiam hic applicari poterunt.

§. XVIII.

§. XVIII.

Ex iis igitur, quæ §. XVII. de causis dicta sunt, formandæ nunc erunt indicationes. Primum, quod generaliter hic concludendum, quodque medico, agendum, est, ut materia maligna ex interioribus corporis partibus revocetur ad peripheriam, sive; ut exanthemata restituantur in pristinum statum: hoc enim factò, judicare licet, materiam iterum e massa sanguinea secerni & expelli; consequenter etiam ea per repulsionem inducta symptomata cessabunt. Quoniam autem hæc citissime agunt, §. XV. opus etiam erit, ut indicatio sine mora impleatur, hic enim & minima temporis jactura irreparabile damnum inferre potest. Exanthematum autem recessionis modus, cum in constrictione peripheriæ consistat, & hæc vasorum & cordis resistantiam imminutam præsupponat, §. XVII. sequitur, ad eorum reproductionem hæc duo necessario requiri, ut 1) *cordis & vasorum resistantia* seu tonus *augeatur*, 2) ut *strictura* partium externarum *referatur*: sic enim priores motus febriles, qui hic cessarunt, facile revocandi, & restitutio in pristinum obtinenda erit.

§. XIX.

Omnia igitur remedia, ex quocunque fonte desumpta, quæ ea pollent efficacia, ut §. XVIII. propositas indicationes cito impleant, hic erunt indicata. Notum autem est ex exemplis, ea remediorum genera, quæ ex fonte pharmaceutico hic depromi possunt, spem medici ut plurimum frustrari; ita ut status plerumque judicetur conclamatus, si eo devenerit, ut exanthemata retrogre-
diantur. Neque etiam facile concipi potest, quomodo

D

hæc

hæc remedia causam malī tollere possint, tam parvo, quod hic ad medendum concessum est, temporis spatio. Cum enim causa retrocessionis sit plethora, §. XVII. & hæc ipsa vasis & cordi robur demat, sequitur, hac non imminuta, vel, orgasmo non sedato, nec vasis robur reddi posse. Imminuenda igitur erit plethora, sive orgasmus compescendus erit. Hoc vero nulla re nec citius, nec optatius, fieri poterit, quam Venæ sectione, modo justo tempore, ac debita quantitate adornetur. Si enim id, quod vasis robur demit, & plethoram efficit, per sanguinis missionem detrahatur, simul nimia fibrarum expansio tollitur, ita ut ad naturalem tonum rursus redeant; quod quidem neminem negaturum puto, nisi qui ipsam fibrarum elasticitatem simul in dubium vocare velit. Ipsa autem circuli sanguinis celeritas per ejus detractionem augetur: licet enim ad majus exinde inductum robur fibrarum non respiciamus, & eandem vim cordis & artiarum post V. Sonem ponamus, quæ ante eam adfuit, celerior tamen evadet circulus, quia movendo detractum est. Et sic etiam in hoc casu priores motus febri-les revocantur. Cum igitur retrocessio exanthematum languidæ fibrarum & cordis potentia innitatur, sequitur, resistentia per V. Sonem restituta, & eam ipsam restitui, consequenter sanguinis missionem hic indicari: hæc autem simul primariam istam indicationis partem, ut cito medela quaeratur, optime implet.

§. XX.

Ne autem objiciatur, per V. Sonem quidem abundantiam sanguinis tolli, strictiones autem externarum partium

tium per eandem non solvi: cum ea potius humores a peripheria corporis ad centralia loca ducat: paullo accuratius hæc res perpendenda est. Concedenda nimirum erit hæc objectio, si sermo est de iis subjectis, quæ minori, quam par est, sanguinis quantitate prædita sunt; si enim iis detrahas, neque circulus augetur, sed imminuitur potius, neque stricturæ solvuntur: latera enim capillarium vasorum potius collabuntur, & propius ad se invicem accedunt, quam par est. Pariter etiam concedenda est objectio, si iis sanguis mittitur, qui ejus justa & non expansa quantitate gaudent. Vtrumque vero statum in his febribus locum non habere, superius §. VIII. IX. X. jam comprobatum est. In plethoricis autem V. Sonem plane contrarium edere effectum, partim ex §. XIX. patet, partim ex eo clarum fit, quod in prioribus casibus vis vasorum motrix imminuatur: in posteriori vero eadem augeatur, consequenter movendum in minima vascula, vi recuperata, iterum impellatur. A posteriori autem & per experientiam millibus exemplis probari potest: vel tonsoribus enim notissimum est, V. Sonem in plethoricis semper fere excipere sudorem, & in iis, qui impuritates lymphaticas & serosas alunt, efflorescentiam earum in cute, consequenter expulsionem humorum ad peripheriam. Conferri hic possunt, quæ ad hanc rem ab *Illustr. FRID. HOFFMANNO in Med. rat. Syst. T. III, Sect. I. c. VI. §. XV. & integro cap. IX.* adducuntur; item *BOTALLVS in libr. de Curat. per sanguinis missionem.* Cæterum autem non improbamus, si & in hoc casu, peracta V. Sone, pharmaceutica statim remedia in subsidium vocentur, eo melius enim res procedet. Optima autem ex immensa eorum

farragine erunt leniter diaphoretica seu diaphnoica, & simul æqualem sanguinis & humorum distributionem promoventia, quibus & analeptica jungi possunt; quæque omnia, pro re nata, vel in forma pulverulenta, vel liquida, propinari possunt. Neque spirituosæ plane hic abhorrenda sunt, ut temperatiores essent. alexipharm, refractis & repetitis dosibus, post V. Sonem exhibitæ: e. gr. ex Rad. Pimpinell. Tormentill. Vincetox. Contrajerv. Levistic. Hba Scord. C. B. &c. cum spirit. Cort. Citr. extractæ, adjecta spiritus Tartar. vel Vitriol. aliqua parte. Sed supervacaneum videtur medicamentorum formulas huc transcribere, quibus omnes practitorum libri scatent. Cavendum tamen a fortioribus & sanguinem nimis commoventibus, præsertim in sensibilibioribus & tenerioribus subjectis, ne majora inde enascantur damna.

§. XXI.

Quæstio autem adhuc oritur non exigui certe momenti, nimirum ut determinetur quantitas superflui sanguinis, quæ plethoram vel orgasmum constituit, ut practice exinde judicium ferri possit de quantitate detrahenda. Pauca igitur tradam, quæ normam hic suppeditare possunt. Ponamus autem adesse in corpore L. librarum sanguinis, qui in innumera vasa majora & minora distribuitur: ponatur porro, quavis systole ventriculi cordis sinistri in arteriam aortam propelli unciam unam & semis; diametrum vero aortæ in sui principio æquare circiter tres pollices: ponatur denique, qualibet systole scrupulum unum ultra unciam unam & semis aortam ingredi debere; diameter igitur aortæ in hoc casu vix quin-

quinquagesimam partem augetur. Scrupulus vero iste sanguinis abundantis, si solum in triginta ramos minores, ejus circiter diametri, ac arteria radiæa est, dividi deberet; vix unica guttula quavis systole quemlibet ingrederetur, hæc vero in quot minores postea non dividenda partes? Quis igitur non videt, plethoram insignem in hoc casu accusari nondum posse? Attamen cum tota ista librarum sanguinis massa circiter sexcentis pulsibus circulum absolvat, &, qualibet vice, scrupulus unus ultra uncias unam & semis cor transeat, jam ultra libram unam & semis sanguinis plethorici aderit. Hoc igitur omnino detrahendum esset, si quis omne superfluum remove vellet. Cum autem expansio sanguinis in eo, quod idem spatium occupet, & eundem effectum exserat in latera vforum, æqualis sit plethoræ, §. VI. etiam quantitas detrahenda, quoad mensuram fere eadem erit.

§. XXII.

Generalem igitur de quantitate cruoris detrahendi formare licet regulam: cum nunquam parva copia, sed semper in hoc casu, quam largissime fieri potest, esse evacuum; &, si prima missio effectum non præstat, alteram, immo si opus, tertiam esse subjungendam. *vid. BOTALLVS in libr. de curation. per sanguin. mission.* Tantum enim abest, ut plethora per detractionem octo vel decem unciarum imminuatur, vel orgasmius compescatur; quam tamen quasi juratam quantitatem nemo facile transgreditur; ut ejusmodi V. Sonem majora potius sequantur damna, particulares nimirum sanguinis directiones siue congestiones. Abunde hoc a posteriori ex exemplis patet.

Hinc V. Sonem, præpostere in acutis & parcius administratam, statim sequuntur angina, phrenitides & plura alia periculosissima symptomata; quæ vero statim rursus cessare solent, si largius adhuc & altera vice sanguis educatur. Non possum non singulare testimonium hujus rei, quod in *Act. Berolinens. Dec. II. vol. I. p. 33.* exstat, totum huc transferre: *Vena antea secta quam deliria adsunt, ista, eveniente sanguinis raptu ad caput, quem molimina hæmorrhagica per nares comitantur, accersit, cum incremento febris. Eadem vena in deliriis existentibus secta, patientes redire facit ad sensum sanum.*

§. XXIII.

Cæterum objectiones, quæ super esse possint, vix allegandæ erunt, cum quamplurimæ earum ex dictis satis refutari poterunt. Pertinet huc, si dicatur, exempla proflare, ubi per V. Sonem exanthemata non fuerint revocata, sed mors subsequuta: probari enim hic debet, eam justo tempore & quantitate fuisse adornatam, ita ut effectus inflammationis vel erosionis nondum in internis partibus adfuerit. Constat enim ex sectionibus cadaverum, his morbis demortuorum, semper fere interiores, præsertim in abdomine, partes inflammatas & arrosas reperiri. Aliud adhuc super est dubium, an nimirum infantibus in hoc casu V. S. conducat? respondemus adfirmando: nulla enim hic ab infantia vel juventute desumi potest contraindicatio, & si adesset, præstaret tamen, in casu ancipiti & periculoso, ad anceps confugere remedium, quam plane nullum adhibere. Præterea mihi ipsi noti sunt casus aliquot, ubi in infantibus duos annos nat-

tis,

tis, in variolarum recessione, circa nonum morbi diem accidente, summo cum fructu, & præsentissimo levamine, vena fuerit secta. An in aliis infantum morbis, gallorum mos suadendus & proficius sit, hujus loci non est, ut inquiram: in hoc casu autem certum est quam quod certissimum, nullum ad hunc usque diem tutius remedium existare; quapropter etiam a SYDENHAMIO in morbillorum retrogressionem omnibus antefertur. vid. ej. Op. omn. p. m. 248. & sqq.

§. XXIV.

Restaret jam, ut practicam adplicationem eorum, quæ in antecedentibus dicta sunt, subjungeremus; & per quaslibet febrium exanthematicarum species eundo, specialiores regulas traderemus. Cum enim omnes hæ febres, tam ratione typi, quem servare solent, quam in plurimis aliis circumstantiis a se invicem differant: utique notanda adhuc quædam forent, exempla que atque casus, ex aliena æque ac propria observatione subjungenda: ultimum hoc autem opportuniore reservamus tempore. Quod autem ad alienas observationes, quæ passim hac de re leguntur, attinet, eas huc transferre nolui, ne præscriptas excederem limites. Vela igitur hic contraham, DEO T. O. M. immortales gratias agens, quod hucusque laboribus & studiis meis benedixerit; faxit, ut & futura mea conamina vergant in ejus gloriam, propriam salutem & proximi emolumentum.


T A N T V M.

VIRO

VIRO IUVENI
PRAECLARO ET EXIMIE DOCTO
DOMINO CANDIDATO
IO. LVDOVICO KORTVM
PHILOSOPH. MAGISTR.
MVLTAM PRECATVR FELICITATEM
D. IO. IVNCKER
MED. PROF.

DE vena sectionis in febris acutis usu & abusu proximis abhinc saeculis diu multumque Medici compugnarunt, & ea tandem conditione pacem composuerunt, ut sub initium quidem earum illam institui posse consentirent, post coctionis autem signa, quae die tertio ordinarie adparere solent, nemo classicorum auctorum, si BOTALLVM excipiamus, id sanguinis emittendi genus probaret. TV vero, CANDIDATE doctissime, litem hanc compositam de integro movere & BOTALLVM redivivum, seu potius alterum BELLINVM, qui prioris sententiam ex principiis mathematicis defendere ausus est, constituere videris. Eo enim usque vena sectionis in febris acutis usum extendis, ut circa finem quoque morbi eam adhiberi posse doceas. Verum enim vero qui bene distinguit, bene docet, & qui euuaxiolas rationem habet scripturam concordantem deprehendit. Non enim ubique & promiscue vena sectionem instituendam iudicas, sed tum demum, quando exanthemata recesserunt, & morbus fere conclamatus adparet. In tali enim statu praestat omnino remedium anceps, quam nullum adhibere, & sic aufragientem quasi naturam interpellando excitare. Anceps autem eam ob causam voco hoc remedium, quia sine effectu instituitur in aliis, in aliis vero salutariter se commendat: & sicut sinistri eventus exempla non deficiunt; ita ad salutaris effectus confirmationem addere placet memorabilem historiam. Tres fratres, huius academiae quondam cives, febre maligna successine corripiebantur, & repentina purpura alba retrocesso in vitam discrimen omnes coniciebat. Aetate secundus erat primus, qui agonizans visus per largam venae sectionem ad vitam revocabatur. Natu major ad eadem extrema perductus, venam autem secundam pertinaciter respuens, moriebatur. Tertius in idem vita periculum coniectus per sanguinis missionem servabatur. Sic vides, CANDIDATE clarissime, quod in eadem TEcum sim sententia. Ceterum gratulor TIBI & vere gratulor, quod studia TVA tale ceperint incrementum, ut dissertationem, docte a TE elaboratam, sine Praeside defendere possis: quam ob causam ex ordinis nostri decreto Doctoris gradum TIBI conferre magno opere laetor, & futura TVA directioni divina commendo.

Vale. D. D. XXVII. Octobr. MDCCXLII.



5 AC DOMINI

F R I C I
P D V S S L A N D E N B U R G I C I
D I N W O L F F

POTENTVS PVBLICIS ORDINARIIS

VS

FRIMANNVS

POTENTISSIMATER ACADEMIÆ ET ORDINIS

DKORTVM

RADVM

HILLIGERI, Acad. Typogr.

Quod d

SERENISSIMI AC FOI

D O

T R I D I

PRVSSIAE REGIS MA

2 ROM IMP ARCHICAME

AVKBM SUBABVLS, KENS

ET VALLANT, NEC NON COMITATVS GENE

MOVIA, STATIM, POTERANT, CORDA

DEUM, AVKBM, AVKBM, AVKBM, AVKBM

AVKBM, AVKBM, AVKBM, AVKBM

AVKBM, AVKBM, AVKBM, AVKBM

AVKBM, AVKBM, AVKBM, AVKBM

AVKBM, AVKBM, AVKBM, AVKBM

AVKBM, AVKBM, AVKBM, AVKBM